

# Pitarri Chagdis Tanpo.

## Pitarri chagdis tanpoe skor.

I chagdis taŋ sŋunme chostshogssi uskyoŋgun gyudte, ŋadaŋŋa i chagdispo mashike skutshabs Pitarri ðia dzadkanbo gyus chanog.

Ŋadaŋgunla chossi khaspagun gyudte, i chagdispo Yeshu ðoŋste sotea zhaŋste stiŋne lo 27 ne 29 nyekhorla ðia dzadkanbo gyus chanog. Ibo Mashikapagunla sdugsŋal stankanni Rommi gyalpo neroe waŋŋulli tusla Griiskanbo sammanog.

Pitarri i chagdispo, Rommi waŋŋulli yulggunni naŋŋa khyabste yodkanni Mashikapa tshaŋme phia ðia dzadte inkanbo ŋadaŋŋa shaddug.

Khoŋŋi i chagdis ðia dzadcessi gyuntshangun ni:-

Tanpo, sdugsŋal cuŋcespo Konchoggi tharpe khagshig inkanbo hagocugces.

Nyispa, tatpacangunla Konchog thugsthadkanni mitshe phudces taŋ cig taŋ cigga yasha cocesla spospa taŋces.

Sumpa, tatpacangunla khoranŋun waŋŋulpe yogga borces, sponboe yogga yogpo taŋ, namagun khoranŋunni magpe yogga dugcesla spospa taŋces.

Zhipa, sdugsŋal cuŋcespoe tatpacangunni samtshulgun kazugshig yoŋgos.

Ŋŋapa, uskyoŋzhiggi chostshogspo kazug tshulla thidgos..

## Pitarri ju zhus.

### 1:1 ne 2

**1** <sup>1</sup> Tsoo Yeshu mashike skutshabs ŋa Pitarri khyozhaa Konchoggi ldamma dzadkan Pontus, galatiya, kapadokiya, Asia taŋ Bitiniya yulggunni naŋŋa khyabste yodkangunni phia ðiad. <sup>2</sup> Jigsten dzaddi saŋ sŋunla, Konchog yabbi khyozhagun sheste ldamma dzadte, dampe thugnyid gyudte dampa coa dzads. Teboe zhaste khyozhagunni Yeshui kanyans, yaŋ mashike skuthagphoa dzadcespoe khyozhagun stsaŋma coa dzads.

Khyozhagunla thugrje taŋ zhide maŋne maŋŋa thobshig.

## Tharpe rewe phia Konchogga thugrjeche.

### 1:3 ne 12

<sup>3</sup> Nadaanji Tsoo Yeshu mashike yab tañ Konchogga stodpa phulshig. Nadaanjuna khome snyiñrje chenmo dzadte, mitshe somazhig salla dzads, ciazerna Konchoggi Yeshu Mashika shikangunni tone sontea lañña dzads. Ta nadaanjunnian rewa chenmo nyampo mitshe phuddanog. <sup>4</sup> Tebo ni norskal mane mirulkan, mane tshitu michakan tañ ldanş mane miyolkan kabo nadaanjunnii phia namkhe nañña borra dzadte yod. <sup>5</sup> Khyozhagunni tatpa gyudte Konchoggi stobspoe khyozhagunla te tharpa thobthob tshogpa şunşkyob dzaddug, kabo stinjuggi tusla, şon cugga dzadcesla daldig yod.

<sup>6</sup> Tennaboephia gamo coshig. Zhan dagsa tus nyunzunzhig, khyozhagunla tshodlta sosoe nañña sdugsñal thonñan, yonşescanni tussi nañña halasshessi thadpo nati phia şunşte yod. <sup>7</sup> Te tshodltagunni khyozhe tatpa denba inkanbo stannanog, kazuggi serla stagcad me gyudte coste lagmo coanog, innañ khyozhe tatpagun serri sañ mañña rincan innog. Galtes khyozhagunni tatpabo, tshodltagunni nañña stanpo lusna, Tsoo Yeshu Mashika logste skyod zane, khyozhagunla stodpa, spal tañ stsiwa thobin.

<sup>8</sup> Khyozhagunni Yeshu majalnañ khome camspa coanog, yañ dagsa raññi migne mathonñan, khome tatpa coste halasshes tañ shad minyancessi thadpo coanog.

<sup>9</sup> Yeshu mashikeka tatpa cocessi solraspo ni, khyozhagunla tharpa thobcespo in.

<sup>10</sup> Khyozhagunnika şoncugcessi thugrjee tharpe skorla luñstan dzadkanni luñstonpagunni, gyalla coste stsarcod coa dzads. <sup>11</sup> Teganla Mashikaa sdugsñal cuñste spal thobcessi tus tañ naslugs gunni skorla hagocessi dodpa yodpin, kabo khomegunni nañña yodkanni mashike thugnyiddi khomegunla, tegun cuññi sañ şunla şon cugga dzadte inpin.

<sup>12</sup> Te luñstonpagunni zhabstogpo, khomegunni phia manpa, khyozhagunni phia inkanbo khomegunla şon cugga dzadte inpin. Ta khyozhagunla gamoe nastshul shadkangunni, namkane babskanni dampe thugnyiddi rogs nyampo shaddanog, yañ phonyagunlañ, igunni skorla hagocessi dodpa chenmo yodpin.

**Mitshe dampazhig phud.****1:13 ne 2:3**

<sup>13</sup> Tennaboephia jigstenni naŋŋa yodkangunni chogsla samba mataŋŋa, raŋsems cunte Yesu Mashika sŋonni tusla thobcescanni thugrje tharpaboeka stanpo rewa borshig. <sup>14</sup> Khyozhe naŋŋa Konchog mashessi saŋ sŋunla yodkanni dodpa ŋanpagunni gyabne maḍulla, Konchoggi khaa nyankanni ṭugugun tsogs gyurshig. <sup>15</sup> Matshad khyozhagun bodda dzadkan Konchog khoŋraŋ dampa inkan tsogsla cisathogne khyozharaŋŋi mitshe dampazhig pudshig. <sup>16</sup> Ciazerna dampe suŋrabssi naŋŋa Konchoggi, "Ŋa dampa inpa khyozhagunnaŋ dampa gyurgos"<sup>a</sup> Molte dug.

<sup>17</sup> Yaŋ igun idtu borshig, khyozhagunni moslam phulkan, namkhe yabbi chogsriz dazda manog. Khyozhagunni cokaŋ naŋzhiŋla khoŋŋi thimscad ya solras salces in pasaŋ, jigstennika mitshebo bespazhig tsogsla Konchogga stsiwa taŋ khoŋŋi jigssi naŋŋa phudshig. <sup>18-19</sup> Khyozhagunla gyusinnog, khyozhagun khyozhe phamespogunne thobkanni phanmithogssi mitshene tharte in, innaŋ tebo medkan chanyancesi ser ya mul gun gyudte manpa, sdigpa ya skyonmedkanni lugu, mashike skuthag rincan shalte, nyoadzadte innog. <sup>20</sup> Khoŋ jigsten machagssi saŋ sŋunla Konchoggi ldamma dzadte inpin. Innaŋ khyozhagunni phanthogssi phia i stiŋjuggi zhaggunni naŋŋa khoŋ sŋon cugga dzadte in.

<sup>21</sup> Tsoo Yesu gyudte, khyozhagunni Konchoggi naŋŋa idshes coanog. Konchoggi naŋŋa khyozhagunni tatpa taŋ rewa borranog, ciazerna khoŋŋi shikangunni ṭone, Yesu sontea laŋŋa dzadte spal salla dzads.

<sup>22</sup> Ta khyozhagunni denbaboŋa kanyancespoe, khyozhaa stsaŋma gyurte innog. Teboephia miŋsiŋ tsogsla khyozhaa cig taŋ ciggi naŋŋa denbe camspa yoŋgos. Ta snyiŋŋi thilne cig taŋ cigga camspa coshig.

<sup>23</sup> Khyozhagun rulcescanni saonne maskyeya, sonpo taŋ tusgyun zhugskan Konchoggi ka gyudte mane mirulcescanni saonne yaŋskyar skyeste in. <sup>24</sup> Dampe suŋrabssi moldug,

"Mitshaŋma ni stsa tsogs in.

Khonŋunni spal tshaŋma stse mentog tsogs in.

Stsa skamste mentog yollanog."

---

<sup>a</sup>**1:16** ibo ni zhalchad snyiŋpe thimssi specha taŋpo yaŋna Mozessi specha sumpe 11:44, 45, 19:2 taŋ, 20:7 gunni naŋŋa yodte innog.

<sup>25</sup> Innan̄ Konchoggi ka tusgyun lusin."b

Te kabo ni, khyozhagunla shadkanni gamoe nastshulbo innog.

**2** <sup>1</sup> Tennaboephia zun tañces, khachos coces, tshigces, mii codpe skorla spera stsogpo zercessi codpa ñanpa tshañma phaños. <sup>2</sup> Tharpe cinlabs gañpo thobcessi phia ñugu chuñun skyeskan tsogsla thugnyiddi oma lagmo thuñcesla şante dodpa coshig. <sup>3</sup> Ta Tsoo zañpo inkanni ðodpo khyozhe nyanste innog.

### **Rdoa sonpo tañ mi ldamma dzadkangun.**

#### **2:4 ne 12**

<sup>4</sup> Khyozhagun sonpo rdoa, Tsooeka yoñshig, kabo migunni phañnan̄ Konchoggi ldamma dzadte khoñji phia rincan in.

<sup>5</sup> Khyozhaa rdoa sonpo Konchoggi thugnyiddi chodkhañ stsigcesla kolla dzadkangun innog, yañ khyozhaa khoñji lama dampa, kagunni Yesu Mashika gyudte Konchoggi skundunla ospa inkanni semsnyiddi chodpa phullanog. <sup>6</sup> Dampe suñrabssi nañña Konchoggi molla dzadte dug.

"Stosshig Yerushalemmi<sup>c</sup> gyalse nañña

De ldamskanni ñurdo rincanzhig borrad.

Suzhiggi khoñjika tatpa coin

Te mibo mane ðhelba micha."<sup>d</sup>

<sup>7</sup> Ta khyozhaa tatpa cokangunni phia te rdoabo, ma rincanzhig in. Innan̄ tatpa macokangunni phia,

"Ka rdoabo stsigspogunni rinmed samste phañstañs,

Te rdoabo ñurdoa rincanbo gyur."<sup>e</sup>

<sup>8</sup> Yañ

"Khoñ ni migun ghaggyabs cugkanni rdoa tañ

Tegun gyelcugkanni pholoñs tsogs innog."<sup>f</sup>

Tegunni Konchoggi ka khaa minyancespoe, ghag gyabbanog, tennabo, khoñgunni phia Konchoggi thuggoñs inpin.

---

<sup>b</sup>1:25 ibo ni zhalchad snyinpe yeshaye speche 40:6 ne 8 tshogpe nañña yodte innog.

<sup>c</sup>2:6 Griissi skaddi nañña i tshigspo ni "Stosshig Ziyonni nañña ñe ldamskanni ñurdo rincanzhig borrad" Griiste dug.

<sup>d</sup>2:6 ibo ni zhalchad snyinpe yeshaye speche 28:16 nañña yodte innog.

<sup>e</sup>2:7 ibo ni zhalchad snyinpe suñgurri speche 118:22 nañña yodte innog.

<sup>f</sup>2:8 ibo ni zhalchad snyinpe yeshaye speche 8:14 nañña yodte innog.

<sup>9</sup> Innaj khyozhagun ni Konchoggi ldamma dzadkanni migun, gyalrigssi lama, gyalkhab dampa tañ Konchog khoñrañji migun innog, tennaboe zhaste khyozhagunla mundigne khoñji halasshessi oddi nañña bodda dzadkanni Konchoggi chaglas zañpogunla khyozhe stodpa phul nyanin.

<sup>10</sup> Sñunla khyozhagun mirigsshig manpin,

Ta Konchoggi migun gyurte innog.

Sñunla khyozhagunla snyiñrje mathobba inpin,

Ta snyiñrje thobte innog.

<sup>11</sup> Cespe spungun, khyozharañgun semsnyiddi gyabgalla nolin dugkanni sdigpe dodpagunne thagriñña borte i jigstenni nañña ñonpo tañ bespa gun tsogsla mitshe phudcesla spospa taññad. <sup>12</sup> Tatpa medkanni khyimtshepagunni ÷oa, khyozhagunni mitshe zañpozhiñ phudshig, zhan khoñgunni khyozhagunla ñanpa coste innog zerte nyadgal tañnañ, khoñgunni khyozhagunni las zañpogun thoñcespoe, Konchogga stodpa phulin, nam khoñ jigstennika thimscad dzaddala skyodin.

### **Wañsulpagunni kanyances.**

#### **2:13 ne 25**

<sup>13</sup> Konchoggi stsiwe phia khyozhagun i jigstennika wañ yodkangunni yogga dugshig: tshañmesañ wañ cheshog yodkan gyalpo, <sup>14</sup> ya gyalpoe kalon, kagun miospa cokangunla chadpa cadces tañ, ospa cokangunla stodpa tañcessi phia khyozhaa yodsa kalte in.

<sup>15</sup> Konchoggi thuggoñspo khyozhagunni las zañpo coste, samba medkangunni tontag medkanni speragun ghagcespo innog. <sup>16</sup> Khyozhe rañwañcanni migun tsogsla mitshe phudshig, innaj Konchoggi zhabstogpa in pasañ, khyozhagunni rañwañbo ñanpa cocessi nañña makolshig. <sup>17</sup> Tshañmala kuspaa, spun tañ spunmo gunla yasha, Konchogga jigsshes tañ gyalpoa stsiwa cosshig.

<sup>18</sup> Konchoggi jigs tañ stsiwe nañña khyozhaa tsheyoggunni sponbo zañpo tañ bolmo yodkan cigpo manpa ñanpa sponpogunni wañji yoggañ dugshig. <sup>19</sup> Galtes ospa mankanni nags tañ bardo gun zodpa nyampo khurin khyozhagunni ospe laspo coadna, Konchog thugsthadda dzaddanog. <sup>20</sup> Innaj galtes khyozhe ñanpa coste khyozhaa rduñskanbo zodpa nyampo khurna, tene khyozhaa stodpa cia thobin? Ta zañpo coste nags khurte zodpa borradna, teboa Konchoggi stodpa salla dzadin.

<sup>21</sup> Khyozhagun tenna tsogssi mitshe phudcesla Konchoggi bodda dzadte innog, ciazhuna khyozhagunni phia mashike sdugsñal nams. Khoñ, khyozhagunni phia spezhig in, kaboeka khyozhaa ðulgoshes innog.

<sup>22</sup> "Khoñji cañ sdigpa madzads,  
Yañ khoñji suzhiggañ gobskorra madzads."<sup>g</sup>

<sup>23</sup> Khoñña ñanpa zerkangunni lanla,  
Khoñji tenna tsogs coa madzads.

Yañ khoñji sdugsñal thoñ zane  
Suzhiggañ sdamjag tañña madzads.

Innañ khoñji khoñrañ Konchoggi chagga stadda dzads,  
Kaboe ospe thimscad dzaddanog.

<sup>24</sup> Ðadañgunni sdigpe dodpagun medkan tañ  
Mitshe ðañpozhihig phudcessi phia,  
Khoñji khoñrañji skuzugssika

Ðadañgunni sdigpe khurubo namste,  
Şkyañshiññika ðoñs.

Yañ mashike smakhaa gyudte  
Ðadañgun phancugga dzads.

<sup>25</sup> Tusshigga, khyozhagun lam storkanni  
Lug tsogs inpin.

Innañ dagsa khyozhagunni semssi dagpo,  
Rañji lugsdzi Tsoo Yesu mashike dunla logste yoñste in.

### **Magpa tañ namaa gunni phia labzhaa.**

#### **3:1 ne 7**

**3**<sup>1</sup> Tenna tsogsla namagun rañji magpe wañji yogga dugshig. Galtes khaciggi gamoe nastshulla idshes maconañ, khyozhagunni mitshe phudtshulboe zhaste khyozhaa shadgos medpa khoñgunni snyiññi nañña gyurja yoñste tatpa coin.

<sup>2</sup> Khyozhagunni sems lagmo tañ rañji magpaa stsiwa cocespo thoñte, khoñgunni mashikeka tatpa khyoñin.

<sup>3</sup> Philoggi lussi thogne dzesmo cocessi stsonðus macoshig, sperna şagun zhilzhilla phudces, serri gyanca tagces yañ Kos rincan goncesgun. <sup>4</sup> Innañ

---

<sup>g</sup>2:22 ibo ni zhalchad snyiñpe yeshaye speche 53:9 nañña yodte innog.

sems pasmo taŋ bolmo coste khyozharaŋ semssi naŋŋa dzesmo coshig, itsogssi codlamgun Konchoggi skundunla ma rincan innog. <sup>5</sup> Ciazerna sŋunme tuslaŋ, Konchoggika tatpa borkanni bumoe dampagunni, tenna tsogsla zabadpin, yaŋ khoŋraŋgun raŋŋi magpe waŋŋi yogga borradpin. <sup>6</sup> Spera Sara zerkanni bumoe raŋŋi magpa Abrahammi kanyante khoŋŋa raŋŋi sponbo theadpin. Galtes khyozhe magpagunni ci cos taŋin samste jigs majigssa ospa inkanbo cona, khyozhagunnaŋ sare bumogun thea dzadin.

<sup>7</sup> Tenna tsogsla khyozhaa magpagunni raŋŋi nama nyampo mitshe phud zane, bumogun khyozhe saŋ shedmed in pasaŋ, khoŋgun nyampo bolmo yaŋ Konchoggi mitshe some solrassi naŋŋa, khoŋgunnaŋ ɗaɗa khag yodcespoe kuspa coshig. Tezug cona Konchoggi khyozhe moslamgun sanna dzadin.

### **Zaŋpo cocessi phia sdugsŋal thoŋin.**

#### **3:8 ne 22**

<sup>8</sup> Stiŋjugga, khyozhaa tshaŋma sems cig soŋte dugshig, cig taŋ cigga snaŋŋa bor, camspa, snyiŋrje, taŋ sems pasmo coshig. <sup>9</sup> ɗanpe lanla ŋanpa macoshig, yaŋ suzhiggi khyozhe skorla spera stogpo zerna teboe lanla khyozheaŋ tetsogs macoa, teboe tshabsla tegunla cinlabs toŋshig. Ciazhuna Konchoggi khyozhagun tennaboe phia bodda dzadte innog, yaŋ tezug cona khoŋŋi khyozhagunla cinlabs salla dzadin. <sup>10</sup> Dampe suŋrabssi naŋŋa molte dug.

"Galtes khyozhaa mitshe naŋŋa skyidpo yaŋ  
Zhag zaŋpo maŋpo thoŋcessi dodpa yodna,  
Khyozhagunni lcea spera ŋanpa yaŋ  
Khalpagga zun taŋmacugshig.

<sup>11</sup> ɗanpaa gyab logste zaŋpo cosshig.  
Snyiŋne zhide tsalte teboe gyabne baŋtoŋshig.

<sup>12</sup> Ciazhuna Konchoggi mi ɗaŋpogunla zigste  
Tegunni moslamgun sanna dzaddanog.

Innaŋ ŋanpa cokangunne,  
Khoŋŋi zhal gyurra dzaddug."<sup>h</sup>

<sup>13</sup> Ta galtes zaŋpo coala riŋssadna, sui khyozhagunla nodpa skyalin. <sup>14</sup> Galtes khyozhaa las zaŋpo cocespoe sdugsŋal thoŋnaŋ, Konchoggi cinlabs salla dzadin.

---

<sup>h</sup>3:12 ibo ni zhalchad snyiŋpe suŋgurri speche 34:12 ne 16 tshogpe naŋŋa yodte innog.

Te jigssnañ stankangunla majigsshig yañ matshershig.<sup>i</sup> <sup>15</sup> Raññi semssi nañña Mashika ni, Tsoo inkanbo stsigos. Yañ galtes suzhiggi khyozhe mashike nañña rewa yodkanni skorla hagogesla starscod tañña, tegunla lantañcesla tusgyun ðaldig dugshig. <sup>16</sup> Innañ tegun sems pasmo tañ kuspaa nyampo coshig. Mashike nañña khyozhe zañpo codpe skorla spera stsogpo zerkangun, khorrañgunni zerkannika thelba chacessi phia sems noñsmed borshig. <sup>17</sup> Galtes Konchoggi thuggoñs innabo inna, khyozhagunla ñanpa coe sañta zañpo coste sdugsñal thoñna gyal.

<sup>18</sup> Mashika ñadañgunni sdigpe tonla sdugsñal namste tusgyunni phia lancig ðoñssa dzads. Mashika ðañpo zhugste innañ khorñ sdigcangunni phia ðoñssa dzadte ñadañgun Konchog tañ nyemo khyoñña dzads. Zugssi thogne khorñ ðoñste inpin, innañ thugnyid gyudte sontea lañña dzadte in.

<sup>19</sup> Testiñne khorñ skyodte tsonkhaññi nañña yodkanni te semsnyidgunla chosshadda dzads. <sup>20</sup> Tegun tus mañpozhiiggi sñunla Noae tuziñ chenmo stsiggi tus, Konchoggi thugszod nyampo sñuñña dzad zane khorññi khaa manyankangun inpin. Mi khacig yañña miñgo gyadtsa jigssnañcanni chulogne tharte inpin. <sup>21</sup> Te chulogpo ni, ñadañgunla thuslencessi spezhig innog, kaboe dagsa khyozhagunla tharpa thobste innog. Thuslencespoe zugspoe tñma thusces manpa, sems lagmo nyampo Konchogga zhalchad cocugganog, te tharpabo Yesu Mashika sku sontea zhañsshes gyudte thobte innog.

<sup>22</sup> Yesu khorrañ namkhaa skyodte Konchoggi chag yaspa chogsla zhugsthissika zhugsa dzadte phonya tañ stobs tañ wañ yodkan tshañmeka khorññi wañsulla dzaddanog.

### **Mitshe dampazhig phud.**

#### **4:1 ne 11**

**4** <sup>1</sup> Zugssi thogne mashike nags tañ bardo nyoa dzad pasañ, khyozhagunni samtshullañ khorñ tsogs yoñcesla ðaldig coshig, ciazerna mashike phia zugssi thogne sdugsñal nyoñkangunni sdigpa cocessi dodpa phañste innog. <sup>2</sup> Teboe zhaste khyozhagunni jigstenni nañña luskanni mitshebo, jigstenni dodpa nañzhin maphudda, Konchoggi thugsthad nañzhin phuddanog. <sup>3</sup> Khyozhe raññi mitshe tatpa medkangun tsogsla phudcespo ta phañgos, sperna thamedpe lusðelli dodpa,

---

<sup>i</sup>3:14 ibo ni zhalchad snyiñpe yeshaye speche 8:12 nañña yodte innog.



lusdelli dodpa şante cosces, rarosros çan tuñces, dontañin rarosshessi zasgun lente tanba storces tañ, skunða gunla colcessi khamlog lasgun.

<sup>4</sup> Khyozhaa şjunme dzaogunni lobs ñanpagunni ştiñrañne bañ mitañcespoe kxongun halaste khyozhagunni skorla spera ñanpa zerranog. <sup>5</sup> Innañ shikan tañ sonte nyiskoeka shags dzaddala ðaldig yodkanni Konchoggi dunla kxongunla stsirug tañgosin. <sup>6</sup> Tennaboephia shite medkangunlañ, gamoe nastshulbo shadte inpin, zhan mii tshulla tegunla shicessi thims phogte innañ, thugnyiddi nañña kxongun Konchog nyampo sountea luste innog.

<sup>7</sup> Jigstenni nañña yodkan tshañma medkan çacessi tus nyemoa lebte inpa, moslam zhucesla snañña stanpo tañste rañsems cunte borshig. <sup>8</sup> Tshañmesañ khagcan sperabo ni, cig tañ ciggi nañña camspa coshig, ciazerna camspe sdigpa mañpozhiğ kabbanog. <sup>9</sup> Khyozhe khañpe nañña yonkangunla snyiñ pheste gasus zhushig.

<sup>10</sup> Konchoggi thugrje mañpoe nañne, khyozhaa khyud salkanbo khyozhaa rere gyalla coste cig tañ cigga zhabstog cocessi nañña kolshig. <sup>11</sup> Chosshadcessi khyud yodkangunni, Konchog kxonraññi ka khyozhaa gyudte shadda dzadda tsogsla shodshig. Yañ zhabstog zhuna, Konchoggi salkanni stobspo nyampo zhushig. Tene khyozhe cokan tshañme Konchogga Yesu Mashika gyudte stodpa khyonin. Kxonña spal tañ wañ tshañma tusgyunneğyun thobshig, amen.

### **Mashikapa incespoe nags thoñces.**

#### **4:12 ne 19**

<sup>12</sup> Cespe dzaogun, khyozhagunla mee nañña budkan tsogs sdugsñalli tshodlta thoñkanboa, yamtshan innog samste khyozhaa ha malasshig. <sup>13</sup> Innañ gamo coshig, te tshodlte khyozhagun mashike sdugsñalli nañña ðescugganog, teboe zhaste kxonñi zirrijid jigsten gañpoa şjon cugga dzad zane, khyozhagun halasshessi thadpo chen.

<sup>14</sup> Galtes mashikeka idshes cocespoe, spera stsogpo zerte thelpa cona, khyozhaa cinlabscan in, ciazerna Konchoggi spalcani thugnyidpo khyozhagun nyampo zhugste innog. <sup>15</sup> Khyozhagunla sdugsñal cuñkanbo, mi sadte, şkunma şkuste, thims cagste, ya zhanme lassi nañña thestog tañcespoe yon magos. <sup>16</sup> Galtes khyozhaa Mashikapa incespoe sdugsñal cuñna, thelba matshor, innañ mitshañme khyozhaa mashike inkan shesshespoa, Konchogga stodpa phulshig. <sup>17</sup> Ta Konchoggi raññi migunni kane gozug dzadte thimscad dzadcessi zhagpo lebte

innog. Galtes n̄adaŋ Mashikapagunne gozugna, Konchoggi gamoe nastshulla khaa manyankangunni naslugpo kazugshig yoŋin? <sup>18</sup> Kazug dampe suŋrabssi naŋŋa molla dzadte dug.

"Ta đanpogunla ma kagspo nyampo tharpa thobna,

Sdigcan taŋ Konchogga majigskan gunla ci michaa."j

<sup>19</sup> Tennaboephia Konchoggi thuggoŋs naŋzhin sdugsŋal taŋ bardo khurkangunni las zaŋpo coin raŋŋi ŋogpo idshescan dzambuliŋ dzadkan, Konchoggi chagga stadgoshes innog.

### Uskyoŋ taŋ khyogtoŋ gunla labzha.

#### 5:1 ne 11

**5** <sup>1</sup> Đaŋ mashike chostshogssi gothid, khoŋŋi sdugsŋalli spaŋpo yaŋ khoŋ ŋon zane, khoŋŋi spalli naŋŋa đesshescanni, khyozhe toa chostshogssi uskyoŋgunla zhuwa rig yod: <sup>2</sup> lugsdzi tsogsla khyozhe lagga Konchoggi stadda dzadkanni luggunla, gyalla coste stastog coshig. Khyozhagunni tebo waŋ taŋste cocugkan tsogsla macoa, uskyoŋzhiggi tshulla raŋ thadte coshig. I lasgun nor ya penea staste maco, innaŋ Konchogga zhabstoggi chaglas in samte cosshig. <sup>3</sup> Khyozhe lagga stadkanni chostshogspo waŋ nyampo thid mathidda, tegunni phia spezhigga gyurshig. <sup>4</sup> Lugsdzi tshaŋme sponbo, Yesu ŋon zane, khyozhagunla Konchoggi chogsne tusgyun lussnessi spalli thorshogpo thobin.

<sup>5</sup> Tenna tsogsla khyogtoŋgunni, khyozharaŋ uskyoŋgunni waŋŋi yogga borte kanyonshig. Yaŋ pasmo nyampo cig taŋ cigga zhabstog zhushig, ciazerna Konchoggi dampe suŋrabssi naŋŋa molte dug,

"Đe phosocangunla gyabgal coad.

Innaŋ nyamshuŋgunla thugrje taŋŋad"<sup>k</sup>.

<sup>6</sup> Teboephia Konchoggi stobscan chaggi yogga sems pasmo nyampo dugshig, tene tusrannacig, khyozhagunla Konchoggi stsiwa salla dzadin. <sup>7</sup> Raŋŋi tsherkha taŋ sdugsŋal tshaŋma Konchoggi chagga stod, ciazhuna khoŋŋi khyozhaa stastog dzaddanog. <sup>8</sup> Khyozhagunni shaŋ coste, raŋsems cunte borshig, ciazerna rdudgunni goba khyozhe đao ni kuco taŋkanni siŋge tsogsla, migun thestor coste zacessi phia tsalin đuldug. <sup>9</sup> Tatpa stanpo nyampo khoe gyabgalla nolshig, ciazerna jigsten

j4:18 ibo ni zhalchad snyiŋpe tamspe zerkanni speche 11:31 naŋŋa yodte innog.

k5:5 ibo ni zhalchad snyiŋpe tamspe zerkanni speche 3:34 naŋŋa yodte innog.

gaṅpoe naṅṅa khyozhe spun taṅ spunmo gunlaṅ, tenna tsogssi sdugsṅal thoṅin yodkanbo, khyozhaa gyus innog.

<sup>10</sup> Thugrje tshaṅma yodkanni Konchoggi, Mashika gyudte, khyozhagun khoṅṅi thamedpe spalli naṅṅa ḍesshesla bodda dzads. Ta khyozhagunla skabsstogsšhig sdugsṅal nyuṅste stiṅne Konchog khoṅraṅṅi khyozhagunla citshaṅma logste salla dzadin, yaṅ stobscan, stanpo taṅ skulminyances coa dzadin. <sup>11</sup> Tusgyunnegyunla waṅ tshaṅma khoṅṅi chagga lusshig. Amen.

### Stiṅjuggi ju.

#### 5:12 ne 14

<sup>12</sup> De idshescan theskanni spun, Silassi<sup>l</sup> rogs nyampo i ige dorldusshig ḍiad. I ige ḍicessi gyuntshanbo, khyozhagunla spospa taṅces taṅ khyozhagunla cuṅin yodkangun, Konchoggi thugrje khagzhig inkanboe sponpo taṅcespo in. I thugrjee naṅṅa stanpo dugshig.

<sup>13</sup> Khyozhaa nyampo Idamskanni Babelonni<sup>m</sup> chostshogssi khyozhagunla ju kaldug. De butsha tsogs Markussiaṅ khyozhaa ju zhurug. <sup>14</sup> Cig taṅ cigga, Mashikape camspa nyampo ju zhushig.<sup>n</sup>

Mashike naṅṅa inkan tshaṅmala zhide thobshig. Amen..

---

<sup>l</sup>5:12 Silasla Griissi skadriggi naṅṅa silwanas zerte Griiste dug.

<sup>m</sup>5:13 suṅrabs some zhalchaddi naṅṅa Mashikapagunni Rommi gyalsa Babelon zerte innog.

<sup>n</sup>5:14 Griissi skaddi naṅṅa "Cig taṅ cigga cespe pug taṅste ju coshig" Griiste dug.